



ТОШКЕНТ ОҚШОМ

ШАҲАР ИЖТИМОИЙ-СИЁСИЙ ГАЗЕТАСИ

Газета 1966 йил 1 июлдан чиқа бошлаган № 63 (9.407) 2000 йил 29 май, душанба Сотувда эркин нархда

Иккинчи чақириқ Ўзбекистон Республикаси Олий Мажлиси иккинчи сессияси тўғрисидаги АХБОРОТ

26 май куни Тошкентда иккинчи чақириқ Ўзбекистон Республикаси Олий Мажлисининг иккинчи сессияси давом этди.

Сессияда Ўзбекистон Республикаси Президенти Ислам Каримов иштирок этди.

Сессияни Олий Мажлис Раиси Э.Халилов бошқарди. Депутатлар Олий Мажлис Фан, таълим, маданият ва спорт масалалари қўмитаси раиси Н.Жўраевнинг "Жисмоний тарбия ва спорт тўғрисида"ги Қонун лойиҳаси ҳақидаги маърузасини тинглади. Қонун лойиҳаси муҳокамаида Урганчдаги қурилиш-қасб-хўнара коллежи директори И.Бой-жонов, Урганч тумани ҳокими Х.Нуруллаев, "Наманганқурилиш" трести бошқарувчиси Ш.Матмусаев, Бувайда тумани ҳокими Б.Тўрақулов, Давлат жисмоний тарбия ва спорт қўмитаси раиси Б.Махситов иштирок этди.

Маъруза масаласида Ўзбекистон Республикаси Президенти Ислам Каримов нутқ сўзлади.

Давлатимиз раҳбари "Жисмоний тарбия ва спорт тўғрисида"ги Қонунни амалга ошириш баркамол ёш авлодни тарбиялаш ва халқро мусобақалар спортчиларини тайёрлашда муҳим ўрин тўғрисида қайд этди. Президент спорт ҳаётиимизнинг ажралмас қисмига айланиши, давлат ҳокимияти органлари, депутатлар, кенг жамоатчилик, энг аввало маҳаллаларнинг доимий эътиборида бўлиши лозимлигини таъкидлади. Ислам Каримов Ўзбекистон спортчиларининг халқро мусобақалар, хусусан, Сиднейдаги ёзги Олимпиада ўйинларида муваффақиятли иштирок этиши мустақил Ўзбекистоннинг жаҳондаги обрўси ва нуфузини янада оширишга хизмат қилишини айтди. Шу муносабат билан Президент мамлакатимиз футболини ривожлантириш, "Пахтакор" жамоаси шўхратини тиклаш зарурлигига эътиборни қаратди.

Олий Мажлис янги тахрирдаги "Жисмоний тарбия ва спорт тўғрисида"ги Қонунни қабул қилди.

"Ўзбекистон Республикасининг ташқи иқтисодий фао-

лияти тўғрисида"ги Қонун лойиҳасини Иқтисодий ислохотлар ва тadbirkorлик масалалари қўмитаси раиси М.Умаралиев депутатлар эътиборига ҳавола қилди. Қонун лойиҳаси муҳокамаида Қўрғонтепа туманидаги "Оқ сув" фермер хўжалиги раҳбари А.Ахмедов, "Ўзбекистон-Италия" ишлаб чиқариш бирлашмаси бош директори А.Раматов, "Совласт-Италия" Ўзбекистон-Италия қўшма корхонаси бош директори А.Мелкумов иштирок этди.

Ушбу масала юзасидан Президент Ислам Каримов сўзга чиқди.

Давлатимиз раҳбари мамлакат валюта захираларини тўлдиришнинг асосий манбаи ҳисобланган товарлар экспортини оширишга ҳалақит берувчи барча тўсиқларни бартараф этиш зарурлигини таъкидлади. Экспортга маҳсулот ишлаб чиқарувчи тarmoқларни ҳар томонлама ривожлантириш, бундай товарлар турларини кўпайтириш, тушган валютани замонавий технология қўшуналар сотиб олишга ишлатиш зарур. Иқтисодий тўсиқ келажаги, энг аввало экспорт маҳсулотини ишлаб чиқариш ва уни жаҳон бозорларида сотишни қандай ташкил этишимизга боғлиқ.

Парламент янги тахрирдаги қонун лойиҳасини тасдиқлади.

Бюджет, банк ва молия масалалари қўмитаси раиси А.Аҳадов Ўзбекистон Республикасининг "Аудиторлик фаолияти тўғрисида"ги Қонун лойиҳасини сессия муҳокамаида таъкид этди. Қонун лойиҳаси муҳокамаида Пахтачи тумани ҳокими Э.Уматов, "Турон" акциядорлик тижорат бирлашмаси раиси Б.Баймуратов, "Таштакўпир" кооператив раиси А.Одилов, "Ўзнефтгазқурилиш" акциядорлик компанияси бош директори Б.Хасанов, "Янгийул ёғ-мўй" акциядорлик бирлашмаси раиси М.Худоберов иштирок этди.

Депутатлар "Аудиторлик фаолияти тўғрисида"ги Қонунни янги тахрирда қабул қилди.

Сессияда "Фуқаролар муҳофазаси тўғрисида"ги Қонун лой-

иҳаси қўриб чиқилди. Ушбу масала юзасидан Мудофаа ва хавфсизлик масалалари қўмитаси раиси И.Собировнинг маърузаси, "Ўзбекистон ҳаво йўллари" Миллий авиакомпанияси Бухоро аэропорти директори Т.Бахромов, Томди тумани ҳокими А.Назаров чиқишларидан сўнг қонун қабул қилинди.

Депутатлар, Қонунчилик ва суд-ҳуқуқ масалалари қўмитаси раиси Н.Исmoilовнинг маърузасидан сўнг, айрим қонунчилик ҳужжатларига ўзгариш ва қўшимчалар киритди.

Сессия котибияти раҳбари С.Охнов иккинчи чақириқ Олий Мажлис иккинчи сессиясига қилинган мурожаатлар тўғрисида ахборот берди.

Шундан сўнг, депутатлар Ўзбекистон Республикасининг БМТ Халқаро институтининг халқаро молиявий ижара (лизинг) тўғрисидаги хусусий ҳуқуқни бириктиштириш бўйича Конвенциясига қўшилиши ҳақида қарор қабул қилди. Қозғоғистон Республикаси, Қирғизистон Республикаси, Тожикистон Республикаси ва Ўзбекистон Республикаси ўртасида терроризм, сиёсий ва диний экстремизм, трансмиллий уюшган жиноятчилик ва томонларнинг барқарорлиги ҳамда хавфсизлигига бошқа таҳдидларга қарши биргаликда курашиш тўғрисидаги Шартномаларни, нефть ва газни транспортировка қилиш давлатлараро тизимларини тузиш учун Институтлар асос тўғрисидаги рамкали битимни ратификация қилди. Ўзбекистон Республикаси Президентининг айрим Фармонлари ва Олий Мажлис Кенгаши Қарорларини тасдиқлади. Парламент А.Хабидуллаевни пенсияга чиқариш муносабати билан Давлат табиати муҳофазаси қўмитаси раислигидан озод қилиш тўғрисида қарор қабул қилди, Ўзбекистон Республикасининг Олий суди ва Олий ҳужалик суди таркибига ўзгаришлар киритди. Олий ҳужалик суди раиси этиб, М.Абдулломонов қайта сайланди. Шундай қилиб, иккинчи чақириқ Ўзбекистон Республикаси Олий Мажлиси иккинчи сессияси якунланди.

ДАВР САДОСИ

БАРЧА МАНБАЛАРДАН ОЛИНГАН СЎНГИ ХАБАРЛАР

МАМЛАКАТИМИЗДА

● «Термизнон» акциядорлик жамиятида нон-булка ва макaron маҳсулотларини ишлаб чиқарадиган янги Ўзбекистон — Италия қўшма корхонаси иш бошлади.

● «Шохруд» акциядорлик жамияти томонидан ишлаб чиқарилаётган «Шифобахш» малҳами Ялтада ўтган халқаро кўргазманинг олтин нишонига сазовор бўлди. У Бухоро университетининг олимлари ва «Ўзметасабзотхонднинг» акциядорлик жамияти мутахассислари ҳамкорлигида яратилди.

● Қорақалпоғистон Республикасининг Бўзатов туманида тиббий тез ёрдам маркази очилди. Бу шифо маскани замонавий даволаш, ташхис қўйиш асбоб-ускуналари, зарур асбоблар билан таъминланди. Малакали шифокорлар беморларга хизмат кўрсата бошлади.

● Фарғонада «Болалар санъат фестивали»нинг вилоят босқичи якунланди. Ғолиблар фестивалнинг республика босқичида қатнашиш учун йўлланма олди.

● Болаларни ҳимоя қилиш халқаро кўни арафасида пойтахтимиздаги муҳташам «Туркистон» саройида «Еш юлдузлар—2000» шiori остидаги болалар ижодиёти хайрия фестивали ўтказилди.

● Бухородаги тикувчилик ишлаб чиқариш бирлашмаси профилактикаси негизида Она ва бола маркази ташкил этилди.

● Самарқанд Давлат тиббиёт институтида аёллар соғлиғи масалаларига бағишланган илмий-амалий анжуман ўтказилди.

● Шу кунларда Андижонда «Соғлом авлод» давлат дастури доирасида ўзига хос китоб байрами бўлиб ўтмоқда.

● Навоий шаҳрида Навоий Давлат қончилик институти ташкил этилганининг беш йиллиги муносабати билан илмий-техник конференция бўлиб ўтди. Унда бир қатор хорижий давлатлардан келган олим ва мутахассислар сўзга чиқиб ушбу институтда олиб борилаётган ишларни Ўзбекистоннинг рағнақи учун хизмат қилишини таъкидладилар.

ЖАҲОНДА

● Бугун Фижиги Президенти Камито Симаро янги ҳукуматнинг таркибини эълон қилиши ҳақида баёнот берди.

● Миср Араб Республикасининг Қоҳира университети Осий тадқиқотлари марказида Ўзбекистон — Миср дўстлик жамиятининг тасвир мажлиси бўлди.

● Бугун Тожикистонда Республика Мажлиси Олий сессияси ўз ишини бошлади.

● Швеция Бош вазири Йоран Перссоннинг Эстонияга ташрифи чоғида икки мамлакат ўртасидаги муносабатлар ва Европанинг интеграциялашу муаммолари муҳокама қилинди.

● Кенча Озарбайжонда Республика кўни байрам қилинди.

● Римдаги «Сервантес» галереясида Италияда XV асрда яшаб ўтган испан сайёҳи Руи Гонсалес де Клавихоннинг илк бор италияни тилида чоп этилган «1403-1406 йилларда Самарқандга саёҳат. Испан элчиси Темурунинг саройида» асарининг таҳририят маросими бўлиб ўтди.

● Кенча Парижда йиллик халқаро валюта конференцияси ўз ишини бошлади.

● БМТ Хавфсизлик кенгаши Эфиопия ва Эритреяни жанговар ҳаракатларга дарҳол чек қўйиш ва ўт очишни тўхтатиш тўғрисида қарор қабул қилишга қарор қилди.

● Исроил Президенти Э. Вейцман июль ойининг ўрта-ларига қадар муваффақиятли ишларга қўйиш режасида эканлиги тўғрисида баёнот берди. Ёзи сессия пайтида парламент томонидан давлатнинг янги раҳбари сайланди.

● Бугун Аддис-Абебада Эфиопия ва Эритрея делегациялари учрашди. Улар тинчлик музокараларини тиклашга таяйди.

● АҚШ Президенти Билл Клинтон Германия Федератив Республикасига 2-3 июнь кўнлари ташриф билан бориш режасида.

● Исроил қўшинларининг Ливан ҳудудидан бутунлай чиқиб кетиши масаласида Ливан маъмурияти БМТ билан кенг кўламли ҳамкорлик қилишини билдирди.

● Ўтган шанба кўни Ироқда мамлакат янги парламенти-нинг биринчи мажлиси бўлди. Президент Хотамий депутатларни у томонидан мамлакатда ўтказилаётган ислохотларни қўллаб-қувватлашга чакирди.

● Бугун Пекинда Хитой ва Хиндистон Президентларининг учрашуви бўлиб ўтди. Икки мамлакат раҳбарлари икки давлат ўртасидаги чегаранинг бахсли ҳудудлари тўғрисидаги масалаларни муҳокама қилдилар, шунингдек ҳарбий ҳамда иқтисодий соҳаларда ҳамкорлик тўғрисидаги масалалар юзасидан фикрлашдилар. Хиндистон раҳбарининг Хитойга ташрифи бир ҳафта давом этди.

● Хитой Қизил ҳоч қўмитаси Покистоннинг қўғоқчиликдан жабр кўраётган аҳолисига ёрдам кўрсатиш учун 50 миллион АҚШ доллари ажратишга қарор қилди.

● Таиландда АҚШ, Сингапур ва Таиланд ҳарбийларининг «Олтин қобра» қўшма ҳарбий машқлари низоҳасида этди. Унда 20 мингдан ортиқ ҳарбий, жумладан, АҚШнинг 13 минг зобит ва аскари қатнашди.

● Флорида штатида шўхлик қилгани учун синфдан чиқариб орилган 13 ёшли ўсмир ўз ўқитувчисини отиб ташлади.

● Германия мудофаа вазири Рудольф Шарпинг мамлакат армиясининг тахминан 100 минг кишига қисқартирилишини маълум қилди.

● Охота денгизида қўлга туширилган Жанубий Кореянинг иккита балик овлаш кемаси Россия денгиз биоресурсларига 1 миллион 845 минг АҚШ доллари миқдоридан зарар келтирди.

● Халқаро валюта жамғармасининг янги фармойиш берувчи директори Хорст Келер Осий мамлакатларига сафар қилиш ниятида.

● БМТ қўчқорлар масалалари бўйича шугулланувчи Олий комиссариятининг вакили Денис Макнамара Косовони албан халқидан ташқари яна 200 мингдан ортиқ турли миллат вакиллари тарқ этганини маълум қилди.

● Финляндия аҳолисининг 62 фоизи мамлакатнинг НАТОга кириш фикрига қарши чиқди. 21 фоизи эса буни қўллаб-қувватламакда.

● Молдованинг Флорешта шаҳрида яшовчи ёшгина аёл оғзи тўла тиш билан чақалоқ кўрди. Қарағки, у энди фарзандини эмизаётганда азобланаётган эмиш. Шифокорлар уйлай-уйлай бир тўхтама қелишди: бевақт чиққан тишлар олиб ташланадиган бўлди.

ПАРДОЗ ИШЛАРИ АВЖИДА


(Суратли лавҳа)

Шаҳримизда кетма-кет қад рўстлаётган уйлари кўрган кишининг кўзи қувонади. Улар пойтахтимиз кўркам қўрқ бўлиш билан бирга, хонадон эгаларини мамнун этмоқда. Содик Азимов номли кўчада қад рўстлаган навбатдаги беш қаватли уй ҳам ҳадемай эгаларига топширилади.

— Ишимизни бир сме-нада ташкил этганмиз, — дейди иш юритувчи Руслан Ботиров. — Айни вақтда 50 дан зиёд пардозловчилар қизгин иш олиб бориша-пти. Яхшимурод Курбон-боев бошчилигидаги пар-

дозловчилар, Зарифбой Аминов раҳбарлик қилаётган дурадгорлар бригадаси ишчи-лари ўз зиммаларидаги топшириқларни ортиги билан ва сифатли қилиб адо этишмоқ-да. Бунинг боиси бор, албатта. Чунки қурилиш матери-алларини ўз вақтида етказиб бераётган таъминотчимиз Худоберган Аминов ишимиз-нинг жадал боришига катта хисса қўймоқда.

«Ўзтрансгаз» компанияси бурортмачилари талаби асоси-да қад рўстлаётган беш қаватли бу уй ўзига хос лойиҳа асосида қуриляпти. Бош пудратчи «Жанубгазқу-рилиштрести» очик акцио-



нерлик жамияти бунёдкор-лари иккинчи уйнинг пар-доз ишларини бошлаш билан бир қаторда учинчи уй-нинг пойдеворини тиклаш-га ҳам муваффақ бўлишди. Дурадгорлар Ислам Дўсов, Зилара Сунагулиева, пар-дозловчилар Томбике Раҳмонова, Обод Иброҳимов-лар асосий ишдан ташқари кўшимча ишларни қилиш-га ҳам мушарраф бўлиша-пти. Бунинг сабаби улар-нинг ҳар бири қурувчилар-га хос бўлган турли касб-ларига эгалланганликларидир.

Гули АБДУЛЛАЕВА. СУРАТЛАРДА: салкам 20 йилдан бундан кўра кўраётган Ражаб Олло-бергенов иш устида; пар-доз ишлари бошланган иккинчи уйнинг олд кўриниши.

Сергей Любич-олган суратлар.



«КЕЛАЖАГИМИЗ ВА ЭКОЛОГИЯ»

Пойтахтимизнинг «Боғи эрам» маданият ва истиро-хат боғида «Экосан» халқаро жамғармасининг Тошкент шаҳар бўлими ва Мирзо Улуғбек тумани халқ таълими бўлими билан ҳамкорликда «Келажакимиз ва эколо-гия» мавзусидаги кўрик-танловнинг якуний босқичи бўлиб ўтди.


Танловда туманининг 40 дан ортиқ мактаблари иш-тирок этди. Унда экологик тарғибот гуруҳлари ўз ижо-дий дастурларини намойиш қилдилар.

Келажак авлоднинг сало-матлиги, экологик маданият-ни юксалтиришга қаратилган ушбу тадбирда фаол ишти-рок этган, бугунги кўннинг муаммоларини яхши ёритиб

берган 275-мактаб 1-ўрин, 256-241-мактаб 2-ўрин, 112-113-ва 27-мактаб жамоала-ри 3-ўринга лойиқ деб то-пиладилар.

Ғолиблар «Экосан» халқ-ро жамғармаси Тошкент ша-ҳар бўлимининг ва Мирзо Улуғбек тумани халқ таъли-ми бўлимининг эсдалик со-вғалари билан тақдирланди-лар, барча иштирокчиларга шифобахш «Гемотоген» тар-қатилди.

Темур ЭРГАШЕВ.



ҲАМЖИҲАТЛИК ҒАЛАБАГА ЕТАКЛАЙДИ

Юрий ВИТТ — юнон-рум кураши бўйича Ўзбекистон терма жамоасининг аъзоси, 85 килограммгача вазнда беллашди. 1980 йилда ту-тилган. Юнон-рум кураши билан саккиз ёшдан бошла-лаб асбобсозлик корхона-сининг уйингоҳида шугул-ланишни бошлаган. Махо-рат силрларини дастлаб И.Абдуллаевдан ўрганган. 1996 йилдан Ўзбекистон терма жамоасининг аъзоси. Ҳозир Ўзбекистонда хизмат

кўрсатган мураббий Комил Фаткуллин етакчилигида шугулланмоқда. Йигирма ёш бўлишга қарамай халқаро тоифадаги спорт устаси у-новнига ва қатор халқаро тур-нирларда қатнашиш тажриба-сига эга. 1997 йилги жаҳон кубогига учинчи ўринни эгаллаган. 1998 йилда Юрий Витт ёшлар ўртасида жаҳон чемпиони бўлган. Худди шу йили катталар ўртасидаги жаҳон чемпио-натига бронза нишонлари-

нинг соҳиби бўлган. 1999 йили ҳам Юрий учун анчагина муваффақиятли кеч-ди — у ёшлар ўртасида жа-ҳон чемпионатида бронза ҳамда Осиё чемпионатида ку-муш нишонларига эга бўлди. Яқинда якунланган Осиё че-мпонатидан у учинчи ўринни эгаллаган ҳолда олимпиада ўйинларида қатнашиш ҳуқуқини қўлга киритди.

— Осиё чемпионати Олимпиадада қатнашиш учун йўлланма олинадиган охириги турнир эди ва мен ушбу имкониятдан умумий фойдаланганим учун жуда хурсандман, — дейди Юрий Витт. — Бу менинг ҳаётим-да илк олимпиада бўлганиги сабабли жуда ҳаяжонланганман. Бирок бизнинг жамоамиз аҳил, барча спортчилар бир-бири-нини қўллаб-қувватлайди. Уйлайманки, ушбу ҳамжи-ҳатлик мени ҳам ғалаба сари етаклайди.

Дилшод ИСРОИЛОВ.

Танишинг: олимпиадачиларимиз

ҚЎШИҚ — КЎНГИЛ ЧИРОҒИ

Инсон тирик экан куй-қўшиққа ошно. Албатта ишдан ё ўқишдан чарчаб-хориб уйга қайтган, яхши куй ва қўшиқ тинглаган чоғингиз бўлган чарчоғингиз таркаб, кайфиятингиз кўтарилади.

Ана «ойнаи жаҳон» орқали яна бир гўзал ва ёқимли қўшиқ янграпти. Уни «Хўжа» гуруҳининг хушовоз хонандаси, ўзининг ширали ва жозибали овози билан мухлислар эътиборини қозongan Иzzат Ибрагимова кўйлапти.

Бугун «Хўжа» гуруҳининг хонандаси ва раҳбари Иzzат Ибрагимова «Оқшом» тахририяти меҳмони.

— «Хўжа» гуруҳининг санъат оламига кириб келиши ва бу қадар тез кўзга кўриниши, жозибали қўшиқларининг мухлислар қалбидан жой олишининг боиси нимада?

— Гуруҳимиз 1991 йилда ташкил топган бўлиб, мен иккинчи овозда қўшиқ айтиб юрадман. Қўшиқ ёшлигимдан доимий ҳамроҳим. Болалигимдан столни доира қилиб чалиб, ашула айтиб юрадман. Йиллар ўтиб, мактабни битиргач, Тошкент театр ва расомчилик (ҳозирги Санъат) институтининг ўзбек мусика драматик факультетига ўқишга кирдим. Бу ерда мусика санъатининг кўпгина сир-асрорларини ўргандим. Институтда овозимни чарқашда устозим Саидазим Муродхоннинг хизматлари катта бўлди. Кўп йиллик иланишлардан сўнг 1997 йилдан «Хўжа» гуруҳининг раҳбари ва хонандаси сифатида фаолият кўрсатиб келяман.

Албатта яхши бир қўшиқ яратиш, мухлислар эътиборини қозониш, халқимизга манзур бўладиган қўшиқлар яратиш ҳар бир санъаткорнинг дилидаги эзгу орзуси. Ана шундай қўшиқ албатта осонликка пайдо бўлмайди. Назаримда қўшиқни тил билан эмас, дил билан айтиш керак. Шундагина юракдан айтилган қўшиқ мухлислар қалбига тез етиб боради.

— Ҳар бир гуруҳнинг ўз йўналиши бўлади. Шу жумладан, «Хўжа» гуруҳи ҳам ўз йўналиш услубига эга. Қўшиқларингиз замонавий эстрада йўналишида бўлиши билан уларда ўзига хос миллийлик ҳам яққол сезилиб туради...

— Санъаткорнинг ҳақиқий санъаткор бўлиб етишишида асосан ўзбек миллий мумтоз қўшиқларининг аҳамияти бе-ниҳоя катта. Бундай қўшиқларни жуда қадрлайман. Ҳар бир санъат оламига кириб келаётган хонанда аввало ўзбек миллий мумтоз қўшиқларини, устоз санъаткорларнинг босиб ўтган йўли ва санъатини ўқиш-ўрганиши, ибрат олиши керак. Мана 12 йилдан буён қўшиқ қуйлаб келяман. Булар орасида албатта ўзбек мумтоз қўшиқлари ҳам мавжуд. Мана шундай миллий ўзбек қўшиқларини ижро этишимда устозим Мирза Азизовнинг хизматлари бекиёс.

Албатта, санъат йўли машаққатли, шу билан бирга шарафли йўл. Яхши бир қўшиқ айтиб элга танилишининг ўзи бўлмайди. Ўзига яраша кийинчиликлар бўлади, баъзида яхши бир қўшиқ йиллар давомига бунёдга келади.

— Сиз ижро этган «Уйнамайси», «Кўзи жайрон», «Айтинг, кимсиз?» сингари қўшиқларингизни кўпчилик се-виб тинглайди, ҳиргойи қилади. Шундай эмасми?..

— Қўшиқ-қўнғилга чироқ ёқувчидир. У дилдан чиқиб дилларга етиб боради. Ёшлигимдан машҳур қўшиқчи санъаткорлар Ф. Умаров, Ф. Зокиров, кейинчалик Ю. Усмонова, «Шаҳзода» гуруҳининг қўшиқларини севиб тинглайман, тўғриси уларга ҳавас қилардим. Яхши қўшиқ яратиш учун албатта яхши шеър ва шунга мос куй танлаш керак. Бу масалада менга ҳозирги кунда таникли бастакор Руслан Шарипов ҳамда шоир Иброҳим Жияновлар яқиндан ёрдам бериб келиш-моқда. Улар билан ҳамкорлигимиз яхши натижалар бераётганининг ғувоҳисиз. Юқоридаги қўшиқлар ана шундай ҳамкорликда юзага келган. Телефон билан мулоқот қилиб ай-тилган «Айтинг, кимсиз?» қўшиғи айни ҳафздан олин-ган, десак муболага бўлмайди. Чунки кўнғирқолар кўп бўлади, таниш-билишлар, қизлар дегандек... Ай-римлар кўнғирқол қилишдаидо гапиршишайди. Бу ҳолатни шундан келиб чиқиб, қўшиқ қилишга тўғри келди. Клип ҳам қўшиққа мос тушди.

— Табиийки, мухлислар гуруҳининг аъзолари билан ҳам қизқарди...

— Ахиллик бор жойда иш унмולי бўлади. «Хўжа» гуруҳининг аъзолари ҳам кўпдан буён фаолият кўрсатиб келаётган санъатсевар, меҳнатсевар йигитлар. Рустам Норхўжаев, Сарвар Раҳматхўжаев, Марат Шунқаров, Александр Алексенколар чоғу ас-боблари билан доимо менга ҳамроҳлар.

— Сир бўлмаса, шу кунгача нечта альбом чиқардингиз?

— Ҳозиргача учта альбом тайёрладик. Бундан ташқари яқин кунларда яна янги альбом чиқариш ниятидаман. «Мухаббатимсан», «Ноз-ноз», «Уйнамайси» сингари қўшиқларим клипи билан яхши баҳо олди. Келгусида санъатсевар халқимизга манзур бўладиган гўзал қўшиқлар яратиш ниятидаман.

— Мана, эрта-индин илк бор мўхташман Халқлар дўстлиги саройида кўпчилик мухлисларингиз орзи-қиб кутган учрашув концертингиз намойиш қилинади. Концерт дастуригиздан албатта янги, гўзал қўшиқ-лар ўрин олган бўлса керак...

— Тўғриси айтсам, ҳозир жуда ҳаяжонданман. Шундай катта даргоҳда мухлислар билан учрашув, уларга манзур бўладиган қўшиқлар айтиш, эътиборларини қозониш катта бахт. Албатта томошабинлар қалбидан жой оладиган янги, мазмунли қўшиқлар айтишга ҳаракат қиламан, шунингдек, уларнинг бироз бўлсада чарқоқларини унутиб, кўнғилларини, кайфиятларини кўтарадиган қўшиқлар айтолсам ўзимни бахтиёр ҳис қилардим. Барча санъатсевар турдошларимиз-ни эртага бўладиган концертта чин дилдан тақдир этаман.

— Сўнги аъъанавий савол: «Оқшом» мухлисларига тилакларингиз.

— Ёшлигимдан газета ва журнал, турли бадиий китоблар ўқишни яхши кўраман. Яширмайман, «Тошкент оқшом» га-зетасига меҳрим бошқача. Неча йиллардан буён шу газе-тани кўймай ўқиш келадман. «Оқшом»нинг фидойи ижодкорла-рига мустаҳкам соғлиқ, ижодларига юксак парвозлар тилай-ман.

— Сизга ҳам...

Дилором ИКРОМОВА сўхбатлашди.

Мен кимман? Қандай одамман?

БАЛОҒАТ ОСТОНАСИДА


Мазкур тест саволлари тахминлар асосида ёки кузатувлар доирасида тузилган. Далиллар олимлар назорати остида ўтказилган тадқиқотлар натижалари асосидаги аниқ статистик маълумотлардан олинган. Мабо-досиз «ўсимлар» табақасига мансуб бўлсангиз — бу тестимиз ўзингиз қилаётган ишнингизни нега қилаётганин-гизни ва бунда нималарни ҳис этишингизни аниқроқ тушуниб олишингизга ёрдам беради. Катталарга эса у ўсимлар хатти-ҳаракатларининг моҳиятини англашга қўмаклашади. Қуйдаги саволларга Тўғри ёки Нотўғри деган жавобларни бериш.

1. Ўсимр болалар шу ёшдаги қиз-лардан ўзларини каттароқ ҳис этади-лар. Тўғри
2. Катталарнинг раҳбарлик қилиш-лари баъзан ўсимрларга ёқинирамайди. Тўғри
3. Ўзига хослик — ўсимрларнинг му-ҳим фазилатларидандир. Тўғри
4. Қиз ёки ўғил бола 13 ёшга тўлган-да ўсимрлар қаторига киради. Тўғри
5. Жуда ақли ёки талантли ўсимр-лар тенгдошлари орасида қадрланмай-ди. Тўғри
6. Ўсимрлар дангаса бўлишади. Тўғри
7. Умуман олганда, каттиққўл ота-она-ларнинг болалари ҳаётга энг кўп мос-лашган бўладилар. Тўғри
8. Оилавий жуфтликларда бирга ўсиб-балогатга етиш имкони бўлгани учун кечиккан никоҳларга нисбатан эртаги-никоҳлар муваффақиятлорқ бўлади. Тўғри
9. Ақилроқ ўсимрлар ўзларидан камроқ иқтидорга эга бўлган тенгдош-ларидан кўп уқлашларига зарурат йўқ. Тўғри
10. Кўпроқ енгилтақликка мойил ёш-лар ёрқин ранглардаги кийимларни ёқтирашади. Тўғри
11. Ўсимрлар катталар орасида бўлишни ёқтирашмайди. Тўғри
12. Пала-партишлик — ўсимрларга хос аломатдир. Тўғри
13. Ўсимр ёшдаги қизлар ўз тенг-дошлари бўлган ўғил болаларга нисба-тан ҳайлабастроқ бўлишади. Тўғри
14. Катталарнинг ғашига тегадиган кериш-ш, қашиниш, бир жойда тинч ўтиролмаслик ва жисмоний босаран-жомлиқнинг бошқа шакллари биринчи-навбатда баъзи вазиятларда ёшлар ўзларини нуқулай сезишлари натижа-сидир. Тўғри
15. Ўсимрлар ҳамиша шундай банд бўлишадилар, вақт улар учун катталарга нисбатан тезроқ ўтади. Тўғри

Жавобларингизни таққосланг:
1. Нотўғри. Ўғил болаларга нисба-тан қизлар ҳам ақлан, ҳам жисмонан

- тезроқ балогатга етишади. Бироқ, ўғил болалар 18-20 ёшларга бориб, уларни қувиб етиб олишади. Шу вақтга келиб йигитчалар тезроқ улғайишларига, кўпчина, уларнинг жисмоний эмас, ру-ҳий балогатлари белгиси деб қаралади.
2. Нотўғри. Бир қарашда, ўсимр-лар катталарнинг маслаҳат ва қўмакла-рини рад этишадигандай туюлади. Ле-кин қалбларининг туб-тубида улар кат-таларнинг эътибори, билим ва ғамхўр-ликларини қадрлашади. Тан олгилари келмаганига қарамай ўсимрлар катта-ларга қўлоқ туттишади, ҳатто уларнинг маслаҳатларига амал қилишади.
3. Нотўғри. Ўсимрлар катталарга тақдир қилишни истамасликлари му-мкин. Лекин улар ўз улфатлари доира-сига мутаносиб бўлишга катта эҳтиж-манд бўлишади. «Подага мансублик» ҳиссиёти кийим-кечак тайёрловчилар-нинг яхши ҳамроҳи.
4. Нотўғри. Улғайиш жараёни ва математика нуқтаи назаридан бу анча кенг тарқалган ҳато фикрдир. Матема-тикада ўсимрлик ёши «нү плюс бир» шаклида ифодаланади. Боланинг ўсиш жараёнида ўн-ўн бир ёшларга бориб-ундаги ақлий ва физиологик ўзгариш-лар аниқ кўзга ташланади.
5. Нотўғри. Психологлар фикрича, катта иқтидорга эга бўлган ёшлар тенг-дошлари уларга яхши муносабатлари-ни сақлаб қолиши учун ўз қобилият-ларини яширишга интилишади. Ҳаддан ташқари ақли одамлар ва «китобхўр кўрт»лар ҳар қандай ёшда ҳам шўхрат топмайдилар.
6. Нотўғри. Катталар ёшларни дан-гаса бўлишга деб уйлашади. Лекин ўсимрлар кўп қўл-ғайратларини бирин-чи навбатда ўзлари учун қизқаркли бўлган машғулотларга сарфлашади. Уй юмушларига «йққан овғини ёзмайди-ган» ўша ўсимрлар одатда кўпроқ ҳара-катда бўлишади ва ишлайдиган ота-она-ларидан кўпроқ банд бўладилар.
7. Нотўғри. Психологлар фикрига қўра, болаларини қаҳ билан эмас, та-лабчанлик билан тарбиялайдиган оила-ларда ўсимрлар одатда анча мустақил ҳаракат қилишади, ота-оналари авторит-тар руҳдаги оилаларда усган тенгдош-ларига қараганда ҳаётда ўз йўлларини яхши танлашади.
8. Нотўғри. Тадқиқотлар кўрсати-шича, коллежни тугатаётган ёшлар ўқишини давом эттирмаган тенгдош-ларига нисбатан бахтироқ никоҳ тузиш имкониға эгадирлар.
9. Нотўғри. Тўйиб ухламаслик ёш-

- ларга жуда кучли салбий таъсир қила-ди. Бу уларнинг ахборотларини қабул қилиш қобилиятлари ва ҳулқ-атвора-рида намоеён бўлади. Юқори билим да-ражасига эга бўлган ўсимрлар керагича дам ололмаганлари тақдирда ортиқча серзарда, тез жаҳллари чиқиб, тез хафа бўлишади.
10. Нотўғри. Коллежлардан бири-да ўтказилган тадқиқотлар кўрсатиши-ча, «товуслар» одми кийинган синфдош-ларига нисбатан ҳаётга яхшироқ мос-лашишади.
11. Нотўғри. Ўсимрлар билан сўх-батлардан маълум бўлишича, катталар даврасига тақдир қилинишлари уларга ёқиб тушади. Лекин бу даврага мажбу-ран олиб боришга интилиш уларни да-ргазда қилади. Одатда катталарнинг му-аммолари, ижтимоий воқеаларнинг му-хокама этилиши уларни қизқитиради ҳамда катталар хатти-ҳаракатларини диқ-қат билан кузатишни ҳуш қўришади.
12. Нотўғри. Ўсимрлар, катталар нуқтаи назаридан «пала-партиш»лик-лари, кийимларидидаги ғалати безаклари билан ажаблантиришлари мумкин. Ле-кин статистика бўйича ўртаимёна ўсимр агар шароити бўлса озода ва тартибли бўла олади. Вешаланинг катта қисми-ни ағгаллаб қўйишдан ва «патларни тоза-лаш»га хизмат қилайдиган мосламалар кўпчина оилавий жанжалларга сабаб бўлади.
13. Нотўғри. Ўсимр қизлар одатда «муҳаббат» сузининг ўзини севишади. Уларнинг тенгдошлари бўлган йигитча-лар эса уларга нисбатан кўпроқ ҳайл-параст ва романтик бўладилар. Бошқа-ча айтганда, йигит танлашни истаса ҳам ўз севиқлисига кўпроқ садоқатли бўла-ди. Қизлар эса ҳаёлий қаҳрамонлари-ни бўлутлар ортидан излашда давом этаверишади.
14. Нотўғри. 10 дан 20 ёшгача бўлган давр организмнинг тез ўсиши ва ўзгаришлар даври ҳисобланади. Су-яклар ва мушаклар терини чўзиб ўсиб боради — бу ёшларда кериш-ш ва қанишишларга сабаб бўлади. Ўсимрлар бирдинига шунчалик ўсиб, бесўнақай бўлиб қолган кўл-оёқларини қаерга қўйишни ўрганиб олишлари керак бўла-ди.
15. Нотўғри. Тадқиқотлар кўрсати-шича, йил сайин инсонга вақт янада тез-роқ ўтиб бораётгандай туюлаверади. Ўсимр учун вақт ўзининг беш ёшлик ука-сига нисбатан тезроқ ўтса, оиладаги кат-талар учун йиллар ҳам учиб ўтади.



Миробод туманидаги Абдулла Авлоний номидаги 328-урта мактабнинг бошланғич синф ўқитувчиси Гул-зора Солиҳова бу йил ўз ўқувчиларини юқори синф-га кузатиш. Бу жонқуяр ўқитувчи ўқувчиларнинг ло-тин алифбосини пухта ва мукамал ўрганишларида бор билими ва меҳнатини аямой сабоқ берди. Ўқув-чилар ҳам устозларининг дарсларини қизқаркли ўтказ-гани учун дарсдан кейин ҳам устозлари ёнидан кет-май сўхбатлар ўтказишади.

Ушбу мактабнинг илмий бўлим мудир, тажриба-ли ўқитувчи Дилбар Нуриддинова ҳам кўп йиллар-дан буён юқори синф ўқувчиларига физика фани-дан дарс бериб келади. Бу камтарин, талабчан ва меҳрибон ўқитувчини мактаб жамоаси ва ўқувчилар жуда ҳурмат қилишади.

СУРАТЛАРДА: (юқорида) 4-синф ўқитувчиси Г. Со-лиҳова ўз ўқувчилари даврасида; (пастда) физика фани ўқитувчиси Д. Нуриддинова дарс чоғида.

Тоҳир Нигматуллин олган суратлар.



ТАЪЛИМ ЯНГИ ДАРСЛИК МАЖМУИ

Миллий ўқитиш тизимида рўй бераётган туб ўзгаришлар таълим сифатига ўз таъсирини кўрсатмоқда. Шу жараён да-вомида қатор янги дарслик ва ўқув қўлланмалари ҳам яра-тиломоқда.

«Адабиёт» дарслик-мажмуалари ҳам бирин-кетин ўқувчи-ларга тақдим этилмоқда. Бундан олдин чоп қилинган 5,6-синфлар учун «Адабиёт» дарслиги толиби илмларга яхши соғва бўлади.

Яқинда 7-синф «Адабиёт» дарслиги ҳам кўп нусхада бо-силиб чиқди. «Ўқитувчи» нашриёти томонидан чоп қилинган ушбу дарслик мажмуа янгилашган таълим мазмуни асосида яратилиб, миллий адабиётнинг ўзига хос муҳим жиҳатлари билан ўқувчилари яқиндан таништиради.

Ушбу дарслик 2000-2001 ўқув йилидан таълим амалиёти-га жорий этилади.

Ақбар АЛИЕВ.

СУРАТЛАР АХБОРОТ ЖАЖЖИЛАР

— Бу йил Юртбошимиз томонидан Соғлом авлод йили деб номланди. Бу албатта мураббийлар зим-масига ҳам катта масъу-лият юкляйди. Боғчада бу борада қандай ишлар олиб бориляпти?

— Соғлом авлод йилида фарзандларимизнинг ҳар то-монлама камол топишида боғчининг мактабнинг ўрни бениҳоя катта деб биламан. Ахир фарзанд жону дилимиз, келажакимиз давомчилари. Боғчада 11 та гуруҳ мав-жуд бўлиб, ҳаммаси бўлиб 242 та бола бор.

Болажонларимизнинг со-ғлом фикрли, илмли, меҳнат-севар, ўз Ватанига, халқига муҳаббатли, жисмонан бақу-ват бўлишлари учун барча шароитлар яратилган. Биз ота-оналар, маҳалла билан ҳамкорликда иш олиб бора-миз. Шахмат-шашка, инглиз тили, рақс, спорт тўғрақла-ри мавжуд. Болажонларнинг жисмонан бақувват бўлиш-лари учун сув ҳавзаси ишлаб турибди.

Боғчадаги билимли ва ширин муомалали тарбиячи-лар хизмат қилишади. Айниқ-са, Фирюза Хисматуллаева, Вера Бирюкова, Севара Са-дуллаевалар нафақат бола-лар, балки ота-оналар меҳ-рини ҳам қозонишган. Шу-нингдек, боғчада малакали

Ҳозирги пайтда соғлом авлодни тарбиялашда маънавий бой, ахлоқан етук, юқори билимли, жисмонан бақувват, ҳар томонлама камол топган авлодни шакл-лантиришга қаратилган тадбирлар изчиллик билан амалга оширилмоқда.

ФАРЗАНДЛАР КАМОЛИНИ ЎЙЛАБ

Бу соҳада Тошкент шаҳар ҳокимлиги Соғлиқни сақлаш бош бошқармасига қарашли ўқув-даволаш мажмуи бир қатор амалий ишларни тур-мушга тадбиқ этмоқда. 2000 йил бошидан «Соғлом ав-лод» дастури бўйича режа ту-зилиб, ҳар бир йўналиш асо-сида ишчи гуруҳи, яъни аниқ ижрочилар белгиланган. Да-воловчи мухтассислар-педи-атр, лор, окулист, жарроҳлик, невропатолог, тиш даволов-чи шифокорлар узлуксиз му-олажа ишларини олиб бора-моқдалар. Бунга мисол тари-қасида Шайхонтоҳур тумани-даги 35, 39, 15-ўқув-даволаш поликлиникаларига қарашли 15 та болалар боғчаларида 6 ёшгача бўлган болалар саломатликлари кўриқдан ўтказилганлигини айтиш мум-кин.

Бу даволаш масканида ба-лоғат ёшдаги қизлар со-ғлиғи тегирилиб, уларнинг ҳар томонлама соғлом бўлишларига эътибор қара-тилмоқда. Маҳалла хотин-қизлар кенгашлари билан биргаликда «Соғлом авлод» дастуридаги олти йўналиш бўйича сўхбат ва мунозара-лар олиб борилиб, аҳолининг бу соҳада аниқ тушунага эга бўлишларига эришилмоқда.

Айниқса, бу соҳада шифо-кор-гинекологлар Ш. Фози-хонова, Д. Хошимоваларнинг балогат ёшдаги қизлар ва уларнинг оналари билан 136, 141, 186-мактабларда ўтказ-ган учрашувлари қизгин са-вол-жавоблар билан ўтди. Шахримиздаги ушбу ягона ўқув-даволаш мажмуида ўсимрларни ҳарбий хизматга ҳар томонлама соғлом қилиб тайёрлаш, яъни барча кўрик-лардан ўтказиб, саломатли-ларини тиклашга ҳам алоҳи-да аҳамият берилмоқда.

Еш авлодининг соғлом, ҳар томонлама бақувват бўлиб-вояга етишларида аввало оилада ота-оналарнинг ўрни,

назорати катта бўлиши керак, албатта. Ота-оналар доимий равишда фарзандларини ёш-лиқдан эътибор бериб, қиза-миқ, чечак, сил, ичбурғ, грипп, гепатит, оёқ-қўл, га-вда ногиронлиги каби хаста-ликларнинг олдини олишга кўпроқ аҳамият беришлари лозим. Боланинг ўсиш, улғ-айиш даврида тўғри овқатлан-тириш, дармон дорилардан ўринли фойдаланиш, юқу-ми касалликларга қарши эм-лашларни ўз вақтида ўтказиш боланинг соғлом ўсишидаги асосий омиллардан ҳисобла-нади.

— Эндигина дунёга келган чақалоқ учун она сутидан бе-баҳо нэмат бўлмаса керак, — дейди биз билан сўхбатда бош шифокор Дилфуза Иб-роҳимова. — Гўдак она сути билан ҳам соғлом, бақувват ўсади, касалликка тез чалин-майди. Она гўдагига меҳр би-лан сут берса, бола ҳам она-га шунча меҳрли бўлиб ўса-ди, деб бежиз айтишмайди кексаларимиз. Баъзи ёш она-лар эса ўзларини гўё мада-ниятли қилиб кўрсатмоқчи бўлиб гўдакларини эмизиш-дан бош тортадилар, хохла-майдилар. Ҳаммамизга маъ-лумки, гўдаклар учун сунъий озуқалар сутга айлантирилиб, осонгина болага берилган, кўп ҳолларда чақалоқлар тур-ли касалликларга чалиниб, яъни ичи бўзилиб ноҳуш оқибатларга олиб келади.

Хуллас, ёш авлодни чақа-локлик давридан тортиб то бўйига етгунча уларнинг со-ғлиғига яна ҳам масъулият-лироқ, аҳамиятлорқ бўлиш ота-оналарнинг энг биринчи гадаги вазифалари бўлиши керак. Чунки фарзандлар ҳаётимиз қувончи, келажаки-миз, орзу-умидимиз. Улар-нинг соғлиғи, бахти биз ота-оналарнинг бахтимиз, эзгу ниятимиз.

Раҳимжон УБАЙДУЛЛАЕВ, кекса журналист.

СУРАТЛАР АХБОРОТ ЖАЖЖИЛАР

врач ва ҳамширалар болалар-нинг соғлиғига, тозаллигига эътибор берадилар, ҳаммиса уларнинг со-саломат бўлиш-ларига ўз ҳиссаларини қўшиб келмоқдалар.

Ха, боғчадаги «Соғлом ав-лод учун», «Ота-она бурчаги», турли шир ва кўргазмалар бо-лажонларимиз тарбияси ўз ишини яхши билган, фидойи тарбиячию оқила мудир қўли-да эканлигиндан далоятдир.

Боғчада ўтказилган спорт мусобақасида болажонлар 5 босқич бўйича беллашдилар: мусика билан гимнастика, ким чақон, велосипед бил-лан пойга, ракетка билан юриш, кенгуру бўлиб сакраш.

Мусобақада қатнашган ҳар бир кичкинтой ўз команди-сига ғалабаси учун шундай жон

куйдириб чақонлик, зийрак-лик билан ўйнадиларки, кел-ган меҳмонлар тасаннолар айтишди.

Мусобақа ғолибларига фахрий ёрлиқлар, эсдалик совғалари топширилди. Ҳам-ма қатнашчиларга болалар-нинг севибли музикамоқла-ри тарқатилди.

Болаларнинг бахтиёр ва шодон кулгулари янграб тур-ган маскандан меҳрибон му-раббийларга янги қўл-ғайрат, соғлом, баркамол авлодни тарбиялаб вояга етказишда муваффақият тилаб хайрлаш-дик.

Шоира МУҲАМЕДОВА, СУРАТЛАРДА: спорт му-собақасидан лавҳалар.

Тоҳир Нигматуллин олган суратлар.

Жамиятнинг 1999 йилдаги молиявий-ҳўжалик фао-лияти натижалари ва 2000 йилдаги ривожланишнинг устувор йўналишлари ҳақидаги Бошқарув раиси ҳисо-боти.

Тафтиш комиссиясининг ҳулосасига асосан корхо-нанинг йиллик ҳисоботини ва балансини тасдиқлаш. 1999 йил натижаларига қўра дивидендлар тўла-ни-ши ва захира жағмараси тузилиши масаласи. 2000 йил Бизнес режасини тасдиқлаш.

Турли масалалар.

КУЗАТУВ КЕНГАШИ.



Бош муҳаррир
Ақмол АҚРОМОВ
Манзилимиз:
700000, Тошкент шаҳри,
Матбуотчилар кўчаси, 32

ТЕЛЕФОНЛАР:
хатлар — 133-29-70;
эълолар:
133-28-95, 132-11-39.
факс: (3712) 133-29-09.

Душанба, чоршанба ва жума
кунлари чиқади.
Нашр кўрсаткичи — 209
Ҳажми — 2 босма табоқ офсет усулида босилади.
Қороз бичими А-2

Нашри етказиб бериш масалалари
бўйича турар жойлардаги почта
бўлимларига ёки «Тошкент почтамати»га
— 133-74-05 телефонига мурожаат
қилишингиз мумкин.

«Шарқ» нашриёт-матбос
концерни босмахонаси.
Корхона манзили:
«Буюк Турон» кўчаси, 41-уй.